



Broj/ Број : 02/2-50-1-13-54-7/06
Sarajevo/ Сарајево : 18. 9. 2006.

Z A P I S N I K

55. sjednice Komisije za vanjsku i trgovinsku politiku **Doma naroda Parlamentarne skupštine BiH** **održane 18. 9. 2006.**

Pedesetpetu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali sljedeći članovi Komisije: Hasan Čengić, Anto Spajić, Vinko Radovanović, Osman Brka i Ruža Stojanović, kao i Nevenka Savić, sekretar Komisije. Velimir Jukić bio je opravdano odsutan.

Sjednici su u svojstvu predstavnika predlagača prisustvovali: Murveta Džaferović iz Ministarstva sigurnosti; Maronko Šimunović iz Direkcije za civilnu avijaciju; Željko Knežević iz Ministarstva komunikacija i transporta.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio sljedeći

D N E V N I R E D

1. Usvajanje Zapisnika sa 54. sjednice Komisije;
2. Prijedlog zakona o elektronskom potpisu – predlagač Vijeće ministara BiH;
3. Davanje saglasnosti za ratifikaciju Ugovora između Vijeća ministara Bosne i Hercegovine i Vlade Republike Italije o prihvatu osoba čiji je boravak nezakonit - predlagač Predsjedništvo BiH;
4. Davanje saglasnosti za ratifikaciju Ugovora između Bosne i Hercegovine i Evropske banke za obnovu i razvoj – Projekat upravljanja zračnim prometom - predlagač Predsjedništvo BiH;
5. Davanje saglasnosti za ratifikaciju Projektanog ugovora (Projekat upravljanja zračnim prometom) između Ministarstva komunikacija i prometa Bosne i Hercegovine – Direkcija za civilno zrakoplovstvo i Evropske banke za obnovu i razvoj – predlagač Predsjedništvo BiH;

6. Tekuća pitanja.

Ad 1. Usvajanje Zapisnika sa 54. sjednice Komisije

Zapisnik je jednoglasno usvojen.

Ad 2. Prijedlog zakona o elektronskom potpisu – predlagač Vijeće ministara BiH

G. Knežević, u svojstvu predstavnika predlagača, govorio je u uvodnom izlaganju o razlozima za donošenje ovog zakona. On je istakao da je zakon u skladu sa politikom i strategijom razvoja informacionog društva u našoj zemlji, kao i obaveza Bosne i Hercegovine kao članice Pakta stabilnosti. G. Čengić je takođe govorio pozitivno o prijedlozima zakonskih rješenja.

Nakon sprovedene opće rasprave i rasprave o pojedinostima Komisija je:

1. jednoglasno podržala principe zakona,
2. konstatirala da amandmana na Prijedlog zakona nije bilo,
3. jednoglasno prihvatila tekst Prijedloga zakona u predloženom tekstu, te predložila Domu naroda Parlamentarne skupštine BiH njegovo usvajanje.

Ad 3. Davanje saglasnosti za ratifikaciju Ugovora između Vijeća ministara Bosne i Hercegovine i Vlade Republike Italije o prihvatu osoba čiji je boravak nezakonit - predlagač Predsjedništvo BiH

O Ugovoru je u svojstvu predstavnika predlagača govorila g. Džaferović. Ona je istakla da je ovo jedan od tipičnih ugovora o readmisiji koje BiH mora potisati da bi uopće pristupila pregovorima o liberalizaciji viznog režima za naše građane.

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad 4. Davanje saglasnosti za ratifikaciju Ugovora između Bosne i Hercegovine i Evropske banke za obnovu i razvoj – Projekat upravljanja zračnim prometom - predlagač Predsjedništvo BiH

O Ugovoru je u svojstvu predstavnika predlagača govorio g. Šimunović. On je pojasnio glavne elemente Ugovora i kreditnog sporazuma (zajedno sa tačkom 5.). Cilj koji se želi postići je funkcija potpune kontrole preleta preko BiH. Dio kredita bio bi utrošen za kupovinu opreme i osposobljavanje osoblja, kao i izgradnju i/ili adaptiranje objekata potrebnih za funkcioniranje kontrole preleta preko zemlje.

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad 5. Davanje saglasnosti za ratifikaciju Projektnog ugovora (Projekat upravljanja zračnim prometom) između Ministarstva komunikacija i prometa Bosne i Hercegovine – Direkcija za civilno zrakoplovstvo i Evropske banke za obnovu i razvoj – predlagač Predsjedništvo BiH

G. Šimunović je istakao da će se iznos od oko 5% od prihoda od preleta koristiti za vraćanje kredita. Za nabavku opreme će se raspisati međunarodni tender, a tenderska dokumentacija je već pripremljena.

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Projektnog ugovora.

Ad 6. Tekuća pitanja.

Rasprava nije vođena.

Predsjedavajući Komisije
Hasan Čengić